



Sindikat Granične policije BiH Синдикат Граничне полиције БиХ

P R A V I L N I K

**o kriterijima, uvjetima i načinu dodjele novčane pomoći članovima
Fonda sindikalne solidarnosti**

Na osnovu člana 40 stav 2., člana 22. stav 2. tačka 19. Statuta Sindikata Granične policije BiH, odluke Skupštine SGP BiH, broj 242/16, od 31.03.2016. godine, odluke Upravnog odbora SGP BiH broj 20-3/18, od 07.02.2018.godine, Upravni odbor Sindikata Granične policije BiH na sjednici održanoj dana 15.02.2018. godine usvojio je:

P R A V I L N I K
o kriterijima, uvjetima i načinu dodjele novčane pomoći članovima
Fonda sindikalne solidarnosti

I. OPŠTE ODREDBE

Član 1.
(Predmet pravilnika)

Ovim Pravilnikom utvrđuje se postupak prikupljanja, kriteriji, uslovi i način dodjele novčane pomoći članovima Fonda sindikalne solidarnosti (u daljem tekstu Fond) .

II. PRIKUPLJANJE, KRITERIJI, UVJETI I NAČIN DODJELE NOVČANE POMOĆI

Član 2.
(prikupljanje novčane pomoći)

Svaki član Fonda izdvaja mjesečnu članarinu u iznosu od 0,50 % od osnovne neto plaće, koja se odbija prilikom obračuna plaće, a na osnovu pristupnice čiji izgled i sadržaj će biti usvojen od strane Upravnog odbora SGP BiH.

Član 3.
(Kriteriji, uvjeti i način dodjele novčane pomoći)

Novčana pomoć dodjeljuje se u slučajevima:

- 1) Teške bolesti člana Fonda;
- 2) Po osnovu rođenja djetata člana Fonda;
- 3) Upravni odbor može u slučajevima koji nisu utvrđeni u članu 3. ovog Pravilnika dodijeliti novčanu pomoć članu Fonda, kada se radi o zahtjevima po osnovu operativnog zahvata člana Fonda, po osnovu teške bolesti ili operativnog zahvata uslijed teške bolesti člana porodice člana Fonda, po osnovu hroničnog oboljenja člana Fonda, po osnovu zahtjeva samohranog roditelja, člana Fonda i po osnovu pružanje novčane pomoći radi rješavanja teže materijalno-finansijske situacije;
- 4) Po onovu odlaska u mirovinu.

Član 4.
(Pojam člana uže porodice i pojam teške bolesti)

1. Pod članom porodice, u smislu ovog Pravilnika, smatraju se: bračni drug, dijete (bračno, vanbračno, usvojeno, roditelji (otac, majka), očuh i mačeha.
2. Pod teškom bolešću smatraju se bolesti koje član Fonda dokazuje sa medicinskom dokumentacijom zdravstvene ustanove.

Član 5.

(Način dokazivanja osnova iz člana 3. ovog Pravilnika)

- 1) Teške bolesti člana Fonda se dokazuje na osnovu dokumentacije izdate od strane nadležne zdravstvene ustanove.
- 2) Rođenje djeteta se dokazuje na osnovu dokumentacije izdate od strane nadležnog organa .
- 3) Zahtjevi iz člana 3. tačka 3. ovog Pravilnika se potkrepljuju odgovarajućom relevantnom dokumentacijom na osnovu koje se traži novčana pomoć.
- 4) Zahtjevi iz člana 3. tačka 4. ovog Pravilnika se potkrepljuju odgovarajućom dokumentacijom i to rješanjem o odlasku u mirovinu i pismenim obavještenjem sindikalne podružnice.

Član 6.

(Visina novčane pomoći)

- 1) Po osnovu teške bolesti člana Fonda, članu Fonda pripada pravo na jednokratnu novčanu pomoć u iznosu do 400,00 (četsto) KM.
- 2) Po osnovu rođenja djeteta člana Fonda, članu Fonda pripada pravo na jednokratnu novčanu pomoć u iznosu od 200,00 (dvjesto) KM.
- 3) Po osnovu zahtjeva iz člana 3. tačka 3. ovog Pravilnika članu Fonda pripada pravo na jednokratnu novčanu pomoć u iznosu do 400,00 (četsto) KM.
- 5) Po osnovu odlaska u mirovinu, članu Fonda, policijskom službeniku pripada pravo na startni pištolj i počasnu značku u iznosu od 250,00 KM, a članu Fonda, državnom službeniku i zaposleniku pripada pravo na novčanu naknadu u iznosu od 250,00 KM.

Član 7.

(Uslovi za ostvarivanje prava na novčanu pomoć)

Za ostvarivanje prava na novčanu pomoć moraju biti ispunjeni sljedeći uvjeti:

- 1) Član Fonda stiče pravo na novčanu pomoć nakon što je učlanjen u Fond sindikalne solidarnosti najmanje 6 mjeseci .
- 2) Član Fonda ne može podnijeti zahtjev za ostvarivanje prava na novčanu pomoć iz sredstava Fonda sindikalne solidarnosti prije nego što navršši 6. mjeseci članstva.
- 3) Član Fonda koji je ostvario pravo na novčanu pomoć po bilo kojem od navedenih osnova iz ovog Pravilnika ne može se iščlaniti iz Fonda 24 mjeseca od dana ostvarivanja tog prava.
- 4) Dokumentacija na osnovu koje se podnosi zahtjev za dodjelu novčane pomoći ne može biti starija od 6. mjeseci u momentu podnošenja zahtjeva.
- 5) Zahtjev za ostvarivanje prava na novčanu pomoć se podnosi lično, putem punomoćnika, službeno putem sindikalne podružnice i dostavlja na protokol Sindikata Granične policije BiH.

Član 8.

(Ograničenja prava na novčanu pomoć)

1. Pavo na jednokratnu novčanu pomoć član Fonda može ostvariti jednom po nekom od navedenih osnova iz člana 3. ovog Pravilnika, za vrijeme provedeno u članstvu Fonda, osim u

slučajevima iz člana 3. tačka 2. i tačka 3. (u dijelu koji se odnosi na pružanje novčane pomoći radi rješavanja teže materijalno-finansijske situacije).

Član 9.
(Obračun i isplata prava na novčanu pomoć)

1.Obračun i isplata novčane pomoći po navedenin osnovama vrši se putem uplate na tekući račun člana Fonda.

Član 10.
(Provođenje pravilnika)

Za provođenje ovog Pravilnika zadužuje se Upravni odbor SGP BiH.

Član 11.
(Stupanje na snagu)

Pravilnik stupa na snagu danom usvajanja od strane Upravnog odbora Sindikata Granične policije BiH i primjenjuje se od 15.02.2018. godine.

Član 12.
(prestanak važenja ranijih propisa)

Stupanjem na snagu ovog Pravilnika prestaje da važi Pravilnik o kriterijima, uslovima i načinu dodjele novčane pomoći članovima Fonda sindikalne solidarnosti broj 568-4/16, od 09.09.2016. godine.

Član 13.
(Završne odredbe)

Svi zahtjevi koji su podneseni do usvajanja ovog Pravilnika, dana 15.02.2018. godine, rješavat će se po ranijem Pravilniku o kriterijima, uslovima i načinu dodjele novčane pomoći članovima Fonda sindikalne solidarnosti broj 568-4/16, od 09.09.2016. godine.

Broj: /18
Dana, 10.02.2018. godine

PREDSJEDNIK UPRAVNOG ODBORA
Dragan Krvava